



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 726, Datë 19.11.2020

“Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “IMI – FARMA” SHPK”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Znj. Adriana BERBERI	Anëtar
Z. Eduard YPI	Anëtar
Z. Helidon BUSHATI	Anëtar

Në mbledhjen e tij të datës 19.11.2020, shqyrtoi çështjen me:

Objekti: Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “IMI – FARMA” SHPK.

Baza Ligjore: Neni 4, neni 24, shkronja (d), neni 26, neni 35, neni 36 dhe neni 44, të Ligjit nr. 9121, datë 28.07.2003 “Për mbrojtjen e konkurrencës”, i ndryshuar (Ligji nr. 9121/2003).

Komisioni i Konkurrencës, pas shqyrtimit të relacionit të Sekretarit të Përgjithshëm mbi zbatimin e pikës “IV” të VKK nr. 717, datë 15.10.2020.

VËREN SE :

- 1- Komisioni i Konkurrencës me Vendimin nr. 684, datë 18.03.2020 “Për hapjen e hetimit paraprak në tregun e shitjes me shumicë dhe me pakicë të materialeve paramjekësore”, vendosi hapjen e procedurës së hetimit paraprak në tregun e shitjes me shumicë dhe me pakicë të materialeve paramjekësore, për të parë nëse ka, ose jo, shenja të kufizimit të konkurrencës.
- 2- Komisioni i Konkurrencës me Vendimin nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, vendosi:
 - i. Marrjen e masës së përkohshme si vijon:
 - a. Ndalimin e sjelljes së ndërmarrjeve që veprojnë në rrjetin e tregtimit me shumicë dhe pakicë (importues, depo farmaceutike dhe farmaci) të materialeve paramjekësore, të cilat në mënyrë të drejtpërdrejtë apo të tërthortë vendosin çmime apo kushte të padrejta tregtimi.

- b. Me qëllim shmangien e abuzimit në zinxhirin e tregtimit, detyrimin e të gjitha ndërmarrjeve që veprojnë në tregun e importit dhe shitjes me shumicë të materialeve paramjekësore të jenë transparent në vendosjen e çmimit të shitjes së materialeve dezinfektant, alkool dhe maska.
 - c. Aplikimin e çmimeve të orientuara drejt kostos dhe publikimit e tyre në faqet zyrtare të internetit të ndërmarrjeve apo në kanalet e tjera të komunikimit.
- ii. Masa e përkohshme merret për një periudhë kohore deri në përfundim të procedurës hetimore.
 - iii. Në rast të moszbatimit të vendimit për masa të përkohshme të cituara në pikën (1) të këtij vendimi, ndërmarrjet që do të konstatohen në shkelje ndëshkohen me gjobë deri në 10 % të xhiros vjetore për shkelje të rëndë të konkurrencës në zbatim të nenit 74, pika 1, germa b) të ligjit nr. 9121/2003.
- 3- Në kuadër të vlerësimit të masës së përkohshme, gjatë procedurës së hetimit paraprak, referuar informacionit të administruar pranë AK, është analizuar sjellja e ndërmarrjeve që operojnë në tregun e tregtimit me shumicë të materialeve paramjekësore për produktet maska, alkool dhe gel-dezinfektant.
 - 4- Komisioni i Konkurrencës në vijim të procedurave të mësipërme u shpreh me Vendimin nr. 717, datë 15.10.2020 “Për vendosje gjobe dhe dhënien e disa detyrimeve ndaj disa ndërmarrjeve për mos zbatimin e masës së përkohshme të VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore””.
 - 5- Në zbatim të pikës IV të Vendimit nr. 717, datë 15.10.2020, bazuar në Autorizimet e Komisionit të Konkurrencës nr. 110/44 datë 24.8.2020 dhe nr. 110/50 datë 19.10.2020, në datën 19.10.2020 dhe 20.10.2020 inspektorët dolën në terren për të inspektuar ndërmarrjen “IMI – FARMA” SHPK, vendndodhja e kësaj ndërmarrje nuk u gjend.
 - 6- Për sa më sipër, referuar ekstraktit historik të regjistrit tregtar për të dhënat e subjektit “Shoqëri me përgjegjësi të kufizuar”, ndërmarrja “IMI – FARMA” SHPK në datë 14.03.2020 ka vendosur fillimin e procedurave për likuidimin e shoqërisë. Në datën 20.03.2020 statusi i kësaj ndërmarrje është ndryshuar nga “Aktiv” në "Shoqëri në Likuidim e Sipër". Në datën 08.09.2020 statusi i kësaj ndërmarrje u ndryshua nga "Shoqëri në Likuidim e Sipër" në ndërmarrje e "Çregjistruar".
 - 7- Ndërmarrja “IMI – FARMA” SHPK ka ushtruar aktivitetet deri në datën 08.09.2020 që statusi i kësaj ndërmarrje është ndryshuar në ndërmarrje e “Çregjistruar”.
 - 8- Inspektorët janë paraqitur pranë disa subjekteve farmaci me emrin “IMIFARMA”, dhe pas blerjes së disa produkteve sipas kuponit tatimor rezultoi me emrin “LIFEMED” SHPK.
 - 9- Ndërmarrja “LIFEMED” SHPK, referuar ekstraktit historik të regjistrit tregtar për të dhënat e subjektit “Shoqëri me përgjegjësi të kufizuar” është themeluar në datën 05.04.2018 dhe regjistruar në datën 12.04.2018. Kjo ndërmarrje ka vendosur si adresa të ushtrimit të aktivitetit të saj adresat ku ushtronte aktivitetet ndërmarrja “IMI –

FARMA” SHPK.

- 10- Referuar ekstraktit historik të regjistrimit tregtar për të dhënat e subjektit “Shoqëri me përgjegjësi të kufizuar” rezulton se ndërmarrja me emrin tregtar “IMI PHARMA ALBANIA” SHPK është e themeluar po në datën 05.04.2018 dhe regjistruar në datën 17.04.2018.
- 11- Zyrat qendrore të ndërmarrjeve “LIFEMED” SHPK dhe “IMI PHARMA ALBANIA” SHPK sipas ekstraktit historik të regjistrimit tregtar për të dhënat e subjektit “Shoqëri me përgjegjësi të kufizuar” rezultojnë të jenë në të njëjtën adresë dhe më të njëjtin ortak.

PËR KËTO ARSYE:

Komisioni i Konkurrencës, bazuar në nenin 4, nenin 24, shkronja (d), nenin 26, nenin 35, nenin 36 dhe nenin 44 të Ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

- I. Ndërmarrja “IMI – FARMA” SHPK nuk do të jetë pjesë e këtij hetimi administrativ dhe pasojave që rrjedhin prej tij.
- II. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.

KOMISIONI I KONKURRENCËS